

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÊNSIA

Períodu 01 Agostu – 30 Agostu 2021

KONTEÚDU

KONTEÚDU	ii
LISTA AKRÓNIMU	iii
RELATÓRIU MONITORIZASAUN ESTADU EMERJÉNSIA	1
PARTE I - SUSESU, DEZAFIU NO REKOMENDASAUN	3
A. Susesu	3
B. Dezafiu no Rekomendasaun	3
1. Direitu ba edukasaun	4
2. Direitu ba integridade física	4
3. Diseminaun Informasaun kona-ba COVID-19	5
4. Implementasaun no Kumprimentus ba Lei no Regras	6
5. Impaktu Ekonómiku	7
6. Fasilidade	7
PARTE II – REZUMU REZULTADU MONITORIZASAUN	8
A. Área Monitorizasaun	8
B. Kumprimentu ba regra distansiamentu sosiál	9
C. Evita Aglomerasaun	9
D. Uza Máskara	10
E. Fase Liman	11
F. Devér Jerál Kooperasaun	11
G. Devér Espesiál Kooperasaun ba Responsavel Rejionál, Munisipál no Lideransa Komunitária sira nian	12
PARTE III – ATIVIDADE PDHJ	13
A. Tratamentu Kesar	13
B. Monitorizasaun	13
C. Intervensaun urjente liu husi rekomendasaun espesífika ba entidade sira	14
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA	15
PARTE V - TABELA II. FATIN MONITORIZASAUN	19

LISTA AKRÓNIMU

COVID-19	Corona Virus 2019
DG	Decreto do Governo
DL	Decreto-Lei
DNTT	Direção Nacional Transporte e Terrestre
EE	Estadu Emerjénsia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia dahaat
EE-5	Estadu Emerjénsia dalima
EE-6	Estadu Emerjénsia daneen
EE-7	Estadu Emerjénsia dahitu
EE-8	Estadu Emerjénsia dawalu
EE-9	Estadu Emerjénsia dasia
EE-10	Estadu Emerjénsia dala sanulu
EE-11	Estadu Emerjénsia dala sanulu-resin-ida
EE-12	Estadu Emerjénsia dala sanulu-resin-rua
EE-13	Estadu Emerjénsia dala sanulu-resin-tolu
EE-14	Estadu Emerjénsia dala sanulu-resin-haat
EE-15	Estadu Emerjénsia dala sanulu-resin-lima
EE-16	Estadu Emerjénsia dala sanulu-resin-neen
EhD	Ema ho Defisiénsia
F-FDTL	FALINTIL-Forças de Defesa de Timor-Leste
KO	Konfinamentu Obrigatóriu
MAE	Ministério da Administração Estatal
MAPCOMS	Ministério dos Assuntos Parlamentares e Comunicação Social
MEJD	Ministério da Educação Juventude e Desporto
MI	Ministério do Interior
MOP	Ministério das Obras Públicas
MS	Ministério da Saúde
MSSI	Ministério da Solidariedade Social e Inclusão
MTC	Ministério dos Transportes e Telecomunicação
PAM	Prezidente Autoridade Municipio
PA-RAEOA	Prezidente Autoridade Rejiaun Administrativa Espesial Oecusse-Ambeno
PDHJ	Provedor de Direitos Humanos e Justiça
PNTL	Polícia Nacional de Timor-Leste
RAEOA	Rejiaun Administrativa Espesial Oecusse-Ambeno
RG	Rezolusaun Governu
RKLM	Radio Komunidade Lian Matebian
SAS	Serviços de Água e Saneamento
SECOMS	Secretário Estado Comunicação Social
SIJK	Sentru Integradu Jestaun Krize
SS	Serka Sanitária
VBG	Violasaun Boa Governação
VDH	Violasaun Direitus Umanus

RELATÓRIU MONITORIZASAUN ESTADU EMERJÉNSIA

Períodu 01 Agostu – 30 Agostu 2021

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru podér públiku, bele haree atu ida-idak la'o tuir lei ka lae, prevene injustisa no hala'o prosesu atu hadia injustisa. Órgaun ne'e iha kompeténsia ba defeza no promove direitus umanus, liberdade no garantia fundamentál sira-ne'ebé hatur iha artigu 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigu 7.º no 19.º husi Lei Nú. 3/2008, 22 Feveireiru ne'ebé estabeselese Rejime Estadu Sitiu no Estadu Emerjénsia, iha artigu 8.º no 9.º husi Rezolusaun Parlamentu Nasionál Nú 20/2021, 27 Jullu, kona-ba Autorizasaun ba Renovasaun Deklarasaun Estadu Emerjénsia, no artigu 8.º no 9.º haktuir iha Dekretu Prezidente Repúblika Nú. 56/2021, 27 Jullu rekoñese knaar no kompeténsia PDHJ nian hodi defende sidadaun sira nian direitu, liberdade no garantia fundamentál sira hodi prevene katak sidadaun sira la hetan ameasa ka violasaun ruma.

Estatutu PDHJ hatuur iha Lei Nú. 7/2004, 05 Maiu, artigu 24.º, ne'ebé altera ho Lei Nú. 8/2009, fó kompeténsia ba PDHJ hodi halo fiskalizasaun no rekomendasaun, PDHJ iha kompeténsia hodi supervizona funsionamentu podér públiku sira-nia lala'ok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Relatóriu ida ne'e haree no observa ba implementasaun medidas no ezelesaun Estadu Emerjénsia ba Dala Sanulu-Resin-Neen (EE-16) no aplikasaun medidas preventivas COVID-19, konforme Dekretu Governu Nú. 19/2021, 28 Jullu.

Aleinde ne'e, Governu prevee mós medidas preventivas hodi mitiga kontájiu COVID-19 hodi hamosu Rezolusaun Governu (RG) sira ne'ebé mantein impozisaun Serka Sanitária iha munisípiu sira mak hanesan Dili, Baucau, Covalima no Ermera. Munisípiu sira ne'e hetan atensaun maka'as tanba iha aumentu ba propagasaun husi COVID-19 ba populasaun. RG sira kona-ba impozisaun SS no KO ne'ebé aprovalu durante períodu EE-16 iha tabela hanesan tuir mai ne'e:

Tabela Rezolusaun Governu kona-ba Serka Sanitária no Konfinamentu Obrigatóriu

Munisípius	Serka Sanitária (SS)	Konfinamentu Obrigatóriu (KO)
Ermera	Rezolusaun Governu N.º 101/2021, 28 Jullu Rezolusaun Governu N.º 107/2021, 11 Agostu Rezolusaun Governu N.º 111/2021, 25 Agostu	Rezolusaun Governu N.º 102/2021, 30 Jullu Rezolusaun Governu N.º 108/2021, 11 Agostu Rezolusaun Governu N.º 112/2021, 25 Agostu
Dili	Rezolusaun Governu N.º 100/2021, 28 Jullu. Rezolusaun Governu N.º 106/2021, 11 Agostu Rezolusaun Governu N.º 110/2021, 25 Agostu	
Baucau	Rezolusaun Governu N.º 113/2021, 25 Agostu	Rezolusaun Governu N.º 115/2021, 26 Agostu
Covalima	Rezolusaun Governu N.º 114/2021, 25 Agostu	
RAEOA (Suku Naimeco Postu Administrati vu Pante Makasar no Suku Bobometo Postu Administrati vu Oesilo	Rezolusaun Governu N.º 103/2021, 04 Agostu Rezolusaun Governu N.º 109/2021, 18 Agostu	

PARTE I - SUSESU, DEZAFIU NO REKOMENDASAUN

A. Susesu

Períodu implementasaun EE-16 PDHJ kontinua nafatin hala'o nia funsaun hodi halo monitorizasaun ba regras EE no medidas prevensaun COVID-19 bazeia ba Dekretu Prezidente Repúblika Nú. 56/2021, 27 Jullu¹ no Dekretu Governu Nú. 19/2021², 28 Jullu, ne'ebé aprova medidas ezekusaun ba Deklarasaun EE-16. PDHJ garante kontinuasaun servisu hodi halo defeza no fiskalizasaun ba direitos, liberdades no garantias fundamentais sidadaun sira nian. Nomós garante katak entidades relevantes sira nia responsabilidade tuir nafatin prinsípiu direitos umanus no governasaun di'ak durante implementasaun EE-16.

PDHJ rekoñese nafatin esforsu no servisu tomak ne'ebé maka Governu no Parseiru Dezenvolvimentu Nasionál no Internasionál sira halo ona atu garante nafatin katak Timor-Leste iha kapasidade atu responde no hatan ba problema relasiona ho COVID-19 ne'ebé agora dadaun hada'et no espalla barak liután iha munisípiu hotu iha Timor-Leste. Nune'e mós PDHJ elojia nafatin intervensaun no servisu Governu nian liu-liu pesoál saúde ne'ebé kontinua nafatin fahe informasaun ba comunidade kona-ba COVID-19 no mós ba pasiente sira bainhira sira rekupera husi COVID-19.

PDHJ mós apresia ba esforsu Ministériu Saúde no SIJK ne'ebé kontinua halo intervensaun mitigasaun COVID-19 liuhusi dalan fornese vasina no kontinua fahe informasaun kona-ba vasina ba sidadaun hotu hodi hasa'e imunidade hodi bele hasoru moras COVID-19.

Apresia mós ba servisu PNTL ne'ebé kontinua halo diseminasaun ba comunidade sira liliu iha vias públicas no mós liña ministeriais relevantes sira partikularmente SEKOMS, MAE liu husi PAM to ba Suku ne'ebé kontinua socializa medidas prevensaun COVID-19 liu husi poster sira iha sede Suku, inklui mós komersiantes sira hanesan Supermerkadu, BNCTL, BNU, BRI no Bank Mandiri ba socializasaun liu husi banner no pratika prevensaun hanesan fase liman, uza máskara no distánsia sosiál wainhira atividades hala'o.

B. Dezafiu no Rekomendasaun

Durante implementasaun EE-16 PDHJ kontinua halo monitorizasaun ba iha RAEOA no Munisípiu sira hanesan: Ainaro, Baucau, Bobonaro, Dili, Ermera, Lautem, Manatuto no Manufahi, Munisípiu sira seluk PDHJ la halo monitorizasaun relasiona ho rekursu finanseiru ne'ebé limitadu no mós tanba aplikasaun serka sanitária ne'ebé restrita hodi bandu ema nia movimentu husi munisípiu ida ba munisípiu seluk.

PDHJ mós identifika dezafiu iha terenu no mós halo rekomendasaun ba órgaun competente atu bele implementa hodi responde ba dezafiu sira ne'ebé mak identifikadu ona. Tuir mai mak apresenta informasaun ho detallu kona-ba dezafiu no rekomendasaun hirak ne'e:

¹ Renovação da declaração do estado de emergência em todo o território nacional para o período compreendido entre 1 de agosto a 30 de agosto de 2021.

² Medidas de execução da declaração do estado de emergência efetuada pelo Decreto do Presidente da República N.º 56/2021, de 27 de julho.

1. Direitu ba edukasaun

Iha EE-16 PDHJ observa katak kestaun ekonomia familiár kontinua difikulta estudantes sira ne'ebé hela iha área rurál hodi asesu ba aula online tanba laiha osan hodi sosa telefone, laptop, inklui velocidade internet ne'ebé prezudikadu tebes.

Nune'e, PDHJ hakarak rekomenda ba MEJD atu dezenvolve regulamentu ka meius ne'ebé própriu hodi fasilita estudante sira einjerál iha prosesu aprendizajen ka eskola ba uma laiha impedimentu hodi nune'e garante nafatin estudante hotu sira nia direitu ba edukasaun. Hanesan mantein oras hanorin (online ba estudante sira durante aplikasaun EE) no mós rekomenda nafatin ba MEJD atu garante orsamentu disponivel iha setor edukasaun hodi responde ba programa MEJD nian durante implementasaun EE.

Iha períodu monitorizasaun EE-16, PDHJ observa iha média sosiál³ mak detekta katak iha fakuldade balun hasai avizu ne'ebé obriga ho forma direta ba dosente ho estudante hodi vasina, nune'e mak sira bele tuir aulas prezensiais. Tan faktu ne'e mak PDHJ iha loron 12 Agostu haruka karta ba Reitor Universidade Nasionál Timor-Leste ho nú. Ref: 218/PDHJ/VIII/2021 hodi fó hanoin katak estudante sira nafatin bele hetan asesu ba edukasaun liuhusi meius alternativus seluk hodi tuir aulas ba dosentes no estudante sira ne'ebé mak laiha possibilidade atu frekuenta aulas prezensiais no rekomenda mós husu atu kria mekanismu ida hodi garante distansiamentu sosiál ho forma atu asegura nafatin estudante sira-nia direitu ba edukasaun di'ak.

Iha sorin seluk, iha loron 19 Agostu 2021, PDHJ observa liu husi jornal Timor Post kona-ba transmisaun Variante Delta ba estudante⁴ no mós suspensaun atividade eskola tanba ema nain walu (8) mate kauza husi COVID-19⁵ tanba ne'e **PDHJ rekomenda ba Governu partikularmente Ministériu Saude hodi foti medida ida ne'ebé efisiénsia relasiona ho eskola ba uma núnee bele evita transmisaun COVID-19 no Variante Delta iha territóriu Timor laran tomak.**

2. Direitu ba integridade física

Iha EE-16, PDHJ akompaña iha rede sosiál liga ho diskursu S.E Primeiru-Ministru⁶ kona-ba vasina obrigatória ba funsióriu sira hodi la autoriza funsióriu sira atu tama servisu no sei hasai sira husi servisu mak hanesan dalan úniku atu kombate pandemia COVID-19. Tanba ne'e, mak iha loron 16 Agostu PDHJ, liuhusi karta ba SE Primeiru-Ministru ho Nú. Ref: 223/PDHJ/VIII/2021, hodi fó hanoin katak Estadu iha obrigasaun hodi garante no respeita indivídu hotu-hotu nia direitu ba integridade pesoál hodi la halo experiénsia médika ka sientífika sein ninia livre konsentimentu ba populasan sira tanba vasina kontra COVID-19 sei iha faze experimentál ka Governu seidauk hatene loloos efeitos sekundáriu hotu mak bele provoca ba ema nia saúde.

Liuhusi karta ida ne'e mak PDHJ kontinua rekomenda ba Governu atu kria mekanismu ida adekuaudu liuhusi diseminaun husi parte hotu-hotu nian hodi konvense ema hotu-hotu ninia konxiénsia komun ida hodi hetan protesaun liuhusi vasina kontra COVID-19, nune'e labele obriga fali ema hotu-hotu hodi la viola ema nia

³ <https://www.facebook.com/100046302490990/posts/384467559773324/?d=n>

⁴ Jornal Timor Post, kinta feira 19 agustu 2021 (Posibilidade Variante Delta Transmite ba Estudante)

⁵ Jornal Timor Post, quarta feira 18 agustu 2021 (Ema nain walu (8) mate, suspende atividade eskola)

⁶ <https://www.youtube.com/watch?v=hg9npf18xU>

direitu ba integridade física tanba previzaun legal iha artigo 2 alínea b) ne'ebé mak konjuga ho artigo 6.º alínea b) husi Dekretu Presidente N.º 56/2021, 27 Jullu no husi Rezolusaun Parlamentu Nasionál n.º 20/2021, 27 Jullu, katak deklarasaun estadu emerjénsia la afeta, ema nia direitu ba integridade física. Aleinde ne'e, la bele viola mós direitu funsióariu sira nian ba servisu (artigo 50.º KRDTL).

Ezijiénsia hanesan mós akontese iha munisípiu Lautem wainhira monitorizasaun ba EE-16 liga ho Administrador munisípiu Lautem ne'ebé hasai orden ba hodi hapara movimentu sidadaun sira iha Aldeia Resouru no suspende atividade eskola iha Suku Home durante semana rua nia laran iha fulan Jullu tinan 2021, hodi informa mós katak profesor sira ne'ebé halo funsaun manorin iha Lautem lakohi simu vasina sei hapara imediatu husi nia funsaun hanesan profesor⁷.

Ho nune'e mak PDHJ rekomenda ba Administradór Munisípiu Lautem atu la bele uza nia poder hodi ameasa ka obriga funsióariu sira atu simu vasina, tanba vasina obrigatória viola sidadaun sira nia direitu ba integridade física no mós laiha baze legal ida ho fundamentu katak obriga sidadaun ida tenke vasina maibé rekomenda atu uza meus seluk atu kontinua hasa'e koñesimentu sidadaun sira nian kona-ba vasinasaun ne'e rasik.

3. Diseminasaun Informasaun kona-ba COVID-19

Dekursu EE-16, PDHJ observa iha Media RTTL⁸ kona-ba lamentasoens husi Parlamentu Nasionál relasiona ho informasaun ne'ebé fô sai husi Primeiru-Ministru kona-ba viajen ba-mai munisípiu espesifikamente ba munisípiu Ermera vasina dala rua (2) la bele tama ho razaun tanba implementasaun SS, para aleinde ne'e autoridade lokal husi Suku Lisapat, Postu administrativu Hatulia Munisípiu Ermera kestiona kona-ba implementasaun Konfinamentu Domisiliáriu Jerál la justu⁹ laiha konsisténsia política relasiona ho vasinasaun, anteriormente MS publika katak ba sidadaun sira ne'ebé simu vasina dala rua (2) livre sirkulasaun nasionál.

Iha parte seluk, PDHJ observa liu husi media STL¹⁰ relasiona ho facilidades kuarantena ne'ebé Governu prepara laiha kondisaun no dignu tanba situasaun refere hamosu possibilidade ba hada'et ka transmite COVID-19 ho razaun laiha distansiamentu sosiál tuir DG¹¹ artigo 13. a) b)¹²

Aleinde ne'e, PDHJ mos observa liu husi Jornal Diário Nacional relasiona ho direitu subsidiu ba ekipa liña frente no subsidiu ba vítima husi vasina COVID-19¹³

Tanba ne'e PDHJ rekomenda ba Governu especialmente ba Ministériu Saúde atu kria sinerjia ida ne'ebé orientadu hodi publika informasaun ida ne'ebé konsistente bazeia ba medidas preventiva sira liuhusi DG no RG atendimento ka tratamentu ida ne'ebé

⁷ Fonte: Lafaek news

⁸ <http://fbwatch/7hliOls840/>

⁹ <http://www.facebook.com/126252753372701/posts/4258720350892578/?d=n>

¹⁰ <http://www.facebook.com/100008248686245/posts/3038413529776907/?=n>

¹¹ Dekretu Governu N.º 19/2021, 28 Jullu

¹² Regras de Distanciamento Social, a) Manter uma distância de, pelo menos, um metro relativamente a outros indivíduos com os quais não vivam em economia comum; b) Utilizar máscara facial que cubra o nariz e a boca quando tenham que aceder ou permanecer em recintos públicos ou privados de utilização coletiva

¹³ Jornal Diário Nacional, 25 Agostu 2021 (Governu esforsu hela subsidiu ba ekipa liña frente no MS trava fô subsidiu ba vítima husi vasina COVID-19 tanba Laiha baze legal)

sistematikamente efisiência no dignu eintermus facilidades aimoruk no aihan ba sira ne'ebé infetadu no mós direitu ba sidadaun hotu atu hetan informasaun ida ne'ebé loos no kredível bazeia lejislasaun sira ne'ebé vigór (KRDTL¹⁴ no Dekretu Lei¹⁵).

4. Implementasaun no Kumprimentus ba Lei no Regras

Bazeia ba rezultadu monitorizasaun no observasaun PDHJ kona-ba implementasaun regra EE no kumprimentu comunidade einjerál seidauk iha konxiência komun hodi kumpre ba implementasaun regras EE/SS atu prevene moras COVID-19 no Variante Delta no hakotu transmisaun virus iha Timor-Leste atu labele afeta ba ema hotu nia saúde. Kestaun hirak ne'e tanba laiha seriedade no kontrolu másimu husi autoridade seguransa no autoridade relevante.

PDHJ mós observa katak inkumprimentu comunidade hodi continua hakat fronteira ilegalmente hanesan risku boot ba Timor-Leste tanba transmisaun no importasaun COVID-19 sei continua wainhira Governu laiha seriedade ba asuntu refere liga ho membru organizasaun PSHT ne'ebé deporta nain tolu (3) hetan sintoma COVID-19¹⁶ relaciona ho aktu inkumprimentu regra EE tuir Primeiru-Ministru Sr. Taur matan Ruak katak sidadaun sira ne'ebé hakat fronteira ilegalmente konsidera krime organizado¹⁷

Para aleinde ne'e Xefe Estado Maior Jenerál FALINTIL-Forsa Defesa Timor-Leste (F-FDTL) **Tenente Jenerál Lere Anan Timur** iha Palásiu Prezidensiál Bairo-Pite, Kuarta feira 11/08/2021 hateten katak promete atu duni sai Membru F-FDTL no PNTL sira ne'ebé envolve hodi facilita sidadaun sira tama sai ilegalmente, no sei prosesa tuir Lei ne'ebé vigór tanba la serve hela iha instituisaun ne'e¹⁸.

PDHJ rekomenda ba Governu liu husi ministériu relevantes (MI) no espesifikamente ba instituisaun F-FDTL no PNTL hodi reforsa seguransa iha fronteira hodi prevene movimentu ilegal iha fronteira relaciona ho transmisaun COVID-19 no Variante Delta iha Timor-Leste.

Haree mós ba faktu katak durante ne'e katak Ministériu Saúde emite ba sertifikadu livre sirkulasaun ba comunidade sira ne'ebé mak rekuperadu ona husi moras COVID-19 ne'ebé mak la abranje ka la temi iha medidas Serka Sanitária ne'ebé mak Governu hasai, hodi kria fali konfusaun ba dokumentus válidus ba Sirkulasaun. Tuir medidas Serka Sanitária implementadu iha munisípiu sira tuir Rezolusaun Governu mak hahú husi fulan Maiu estabelese ona livre sirkulasaun ba ema sira ne'ebé mak hatudu kartaun vasina kompleta kontra a SARS-Cov-2/COVID-19 no labarik ho tinan 6 ba kraik, maibé laiha previzaun ida ba sertifikadu livre sirkulasaun forneshu husi MS ba ema sira ne'ebé rekuperadu ona husi virus refere.

¹⁴ KRDTL, Artigu 40, Liberdade ba Espresaun no Informasaun (1) Ema hotu hotu iha direitu ba liberdade ba espresaun no direitu atu informa no hetan informasaun ho ezensaun. (2) Liberdade ba espresaun no liberdade ba informasaun nia ezersisiu labele hetan limitaun h o censura naran oin ida.

¹⁵ Dekretu Lei Nú 32/2008, Artigu 20 Direito dos Interessados a Informação.

¹⁶ Jornal Diário Nacional, 25 Agostu 2021 (Deporta Membru PSHT 164, nain tolu (3) hetan sintoma COVID-19).

¹⁷ Jornal Diário Nacional, 25 Agostu 2021 (PM Taur : Sidadaun hakat fronteira ilegalmente, krime organizado)

¹⁸ <https://tempotimor.com/seguransa-defesa/7394-facilita-sidadaun-ilegal-ih-fronteira-ler-promete-duni-sai-membru-f-fdtl-ho-pntl>

Nune'e, liuhusi relatóriu monitorizasaun mak PDHJ rekomenda ba Primeiru Ministru atu halo inklusaun ba livre sirkulasaun ba comunidade ne'ebé iha ona sertifikadu livre sirkulasaun husi MS ba ema sira ne'ebé mak rekuperadu ona husi moras COVID-19. Hodi akresenta previzaun legál ba livre sirkulasaun ba sira ne'ebé hetan ona sertifikadu livre sirkulasaun hamutuk ho ema sira ne'ebé mak hetan ona vasina doze kompleta ho labarik inferior tinan 6 hodi inklui ho iha medidas Governu ba serka sanitária, atu nune bele evita konfusaun no garante aseitasaun dokumentu refere nu'udar dokumentu válidu ba sirkulasaun.

5. Impaktu Ekonómiku

Durante implementasaun EE-13 to'o EE-16, PDHJ observa katak comunidade vulneravel balun kontinua enfrenta nafatin situasaun hamlaha tanba aplikasaun regras SS no KO.

Ho nune'e PDHJ kontinua rekomenda ba Estadu liuhusi Governu espesifikamente ba Ministériu relevante hodi kontinua nafatin hala'o esforsu másimu hodi haree fila fali ba medidas hirak ne'ebé implementa durante EE-16, hodi bele kria kondisaun atu hatán ba preokupasaun comunidade relasiona ho nesesidade bázika ne'ebé hetan impaktu husi aplikasaun SS no KO no kontinua rekomenda ba Governu atu aselera distribuisaun ba alimentus sira ne'e ho lais no efikás nune'e bele responde nesesidade populasaun sira ne'ebé oras ne'e presiza hela tulun. Iha alterasaun dahuluk ba Lei N.º 14/2020 kona-ba OJE 2021 liuhusi Lei n.º 8/2021, 3 maiu, ne'ebé mak estabesele iha artigu 18.º kona-ba akizisaun alimentus ba ema no família ne'ebé mak presiza aihan.

6. Fasilidade

Iha observasaun iha fatin edifísiu públiku¹⁹ mak PDHJ nota katak falta kontrolu ka manutensaun ba instalasaun tanki, bee no sabaun hodi fase liman, no mós laiha ekipamentus ne'ebé mak tau iha fatin refere hodi bele uza wainhira mosu problema saúde ho ema ne'ebé mak simu vasina.

Ho faktu hirak ne'e mak PDHJ rekomenda ba Governu atu kria kondisoens hodi prepara ekipamentus ba primeiru sokoru nesesáriu hodi fó apoiu lalais ba populasaun sira ne'ebé hetan impaktu negativu makaas ba reasaun husi vasina atu garante intervensaun ida lalais husi ekipa ne'ebé realiza vasinasaun iha fatin vasina iha territóriu Timor-Leste no mós tanki bee no sabaun fase liman iha fatin instalasaun sira hodi apoiu comunidade einjerál ba evita transmisaun COVID-19.


¹⁹ Fatin edifísiu públiku iha tabela anekxa

PARTE II – REZUMU REZULTADU MONITORIZASAUN

Períodu implementasaun EE-16, PDHJ hala'o monitorizasaun hodi haree kumprimentu komunidadade sira nian kona-ba implementasaun regras EE ho medidas prevensaun COVID-19 iha Timor-Leste tuir Dekretu Governu Nú. 19/2021, 28 Julu, ne'ebé monitoriza liu ba regras sira hanesan distansiamentu sosiál, devér jerál kooperasaun no mós ba devér espesial kooperasaun ba responsavel rejional, munisipál no lideransa komunitária sira nian. Nune'e, PDHJ halo mós monitorizasaun ba Rezolusaun Governu (RG)²⁰ sira kona-ba SS ne'ebé implementa iha Munisípiu Ermera, ho Dili. Aleinde ne'e PDHJ mós tuir no observa asuntu hirak ne'ebé relaciona ho aplikasaun SS no informasaun husi Breaking news RTTL kona-ba Vasina dala rua la tama Ermera²¹ no lamentasoens husi Autoridade Lokál²² kona-ba Konfinamentu Domisiliáriu Jerál ne'ebé publikadu iha média sosiál.

A. Área Monitorizasaun

Implementasaun EE-16 tuir Dekretu Prezidente Repúblika Nú. 56/2021, 27 Julu 2021 PDHJ halo monitorizasaun ba regras EE, medidas prevensaun moras COVID-19 husi Dekretu Governu Nú. 19/2021, 28 Julu 2021, no mós regras SS. PDHJ halo observasaun ba munisípius sia (9) no RAEOA iha fatin sira ne'ebé mak iha potencialidade ba inkumprimentu medidas prevensaun COVID-19 hamutuk atus-ida (100) hanesan iha gráfiku tuir mai:




²⁰ RG ba SS conforme tabela p. 2.

²¹ <http://fbwatch/7hliOls840/>


²² <http://www.facebook.com/126252753372701/posts/4258720350892578/?d=n>

B. Kumprimentu ba regra distansiamentu sosiál



PDHJ halo observaun kona-ba distansiamentu sosiál tuir regras EE-16 artigu 13 nú. 1 alinea a).²³ prevee distáncia sosiál metru ida ho ema seluk. Bazeia ba gráfiu ne'e amostra nota katak iha fatin servisu públiku maioria la kumpre hodi mantein distansiamentu sosiál, para aleinde iha via pública mós continua la kumpre hodi mantein distansiamentu sosiál, maibé iha fatin sira seluk hanesan fatin komérsiu, fatin eventu desportu no merkadu sira iha balansu ba kumprimentu distansiamentu sosiál. Tanba ne'e bazeia ba gráfiu previstu konklui katak maioria comunidade einjerál seidak iha kumprimentu máximu ba regra EE iha territóriu laran tomak no mós regra SS ne'ebé aplika iha munisípiu sira hodi prevene hada'et moras COVID-19. Detallu fatin servisu públiku, komérsiu, eventu desportu, merkadu, transporte públiku no via pública iha tabela 2. Aneksa.


C. Evita Aglomerasaun



²³ “a) Manter uma distância de, pelo menos, um metro relativamente a outros indivíduos com os quais não vivam em economia comum”.

Iha implementasaun EE-16 bazeia ba DG Nº 19/2021, 28 Jullu iha artigu 13 Nú 1. Alínea D²⁴, kona-ba (evita aglomerasaun iha via pública) PDHJ monitoriza movimentu comunidade sira liu-liu ba aglomerasaun iha via pública maioria la kumpre regra hodi evita halibur malu. Maske laiha previzaun legál ba fatin seluk hanesan iha gráfiku maibé PDHJ konsidera katak fatin sira ne'e iha potencialidade ba transmisaun COVID-19 ka Variante Delta kuandu iha aglomerasaun hanesan iha fatin komérsiu, servisu públiku, merkadus, eventu desportu no transporte públiku. Gráfiku leten móstra katak iha fatin komérsiu, eventu desportu, merkadu no servisu públiku iha potencialidade boot ba hada'et moras COVID-19 ka Variante Delata tanba comunidade einjerál seidak iha konxiénsia hodi evita aglomerasaun ka halibur malu.

D. Uza Máskara




Klaramente tuir regras EE-16 artigu 13 nú. 1 alínea b)²⁵, kona-ba kumprimentu uza máskara PDHJ observa katak iha fatin servisu públiku maioria funsionáriu/a, estudantes sira no comunidades einjerál iha kumprimentu hodi uza máskara wainhira hala'o servisu, prosesu aprendizajen no atendimentu públiku hanesan iha eskola sira edificíu públiku, para aleinde ne'e iha fatin merkadu maioria comunidade seidak iha konxiénsia hodi uza máskara wainhira halo atividade sosa no faan. Iha fatin Via Pública maske laiha previzaun legál ba uza máskara maibé PDHJ continua halo monitorizasaun ba comunidade einjerál ne'ebé uza ka la uza máskara hodi prevene hada'et moras COVID-19 ou Delta Variante, tanba bazeia ba rezultadu monitorizasaun hatudu katak maioria comunidades continua la uza máskara wainhira halo movimentu iha via pública.

²⁴ Evitar a formação de aglomerações de pessoas na via pública.

2. Para efeitos do presente Decreto do Governo, considera-se aglomeração de pessoas a reunião de mais de duas pessoas a menos de dois metros de distância entre as mesmas

²⁵ Utilizar mascara facial que cubra o nariz e a boca quando tenham que aceder ou permanecer em recintos públicos ou privados de utilização coletiva.

E. Fase Liman



PDHJ halo observasaun kona-ba kumprimentu comunidades einjerál relasiona ho kumprimentu ba fase liman wainhira hala'o atividade tuir artigu 13 nú. 1 alínea c.²⁶ Gráfiku ne'e amóstra fatin merkadu no servisu públiku funsionáriu/a no estudantes sira, maioria kumpre hodi fase liman wainhira hala'o atividade maibé persiza iha manutensaun ba instalasaun tanki bee hodi fasilita comunidade sira einjerál. PDHJ mós observa katak maske iha instalasaun tanki bee ba fatin sira previstu maibé dalaruma bee no sabaun laiha, no mós iha merkadu sira mais pior liu tanba laiha manutensaun ba instalasaun tanki inklui laiha bee no sabaun, pelu kontráriu iha fatin komérsiu sempre prepara bee no sabaun hodi fase liman. Iha sorin seluk transporte públiku no iha Via Pública maske laiha previzaun legál ba fase liman maibé PDHJ kontinua halo monitorizasaun ba comunidade einjerál ne'ebé fase liman ka la fase liman hodi prevene hada'et moras COVID-19 ou Delta Variante.

F. Devér Jerál Kooperasaun²⁷

Períodu implementasaun EE-16 PDHJ halo monitorizasaun iha munisípiu sia (9)²⁸ no RAEOA espesifikamente ba fatin hanesan edifisiu servisu públiku, komérsiu, via pública, serimónia funerál no kulturál, merkadus, transporte públiku hodi halo observasaun kona-ba implementasaun no kumprimentu ba regras EE no medidas preventivas COVID-19. Bazeia ba rezultadu analize grafiku kona-ba kumprimentu comunidade ba distansiamentu sosiál, uza máskara, fase liman no evita aglomerasaun hatudu katak comunidade einjerál iha kumprimentu ba regra EE no SS espesifikamente kumpre hodi uza máskara, fase liman, no evita aglomerasoens maibé kontrariamente seidauk iha kumprimentu kona-ba distansiamentu sosiál. Aleinde ne'e, entidade relevantes sira kontinua halo esforsu hodi fó informasaun ka disemina liu husi media no jornal sira. PDHJ haree katak Governu liu husi ministeriu relevantes sira iha manutensaun ba facilidade fase liman iha fatin públiku, iha parte seluk

²⁶ Higienizar as mãos quando pretendam entrar em estabelecimentos comerciais, industriais ou de prestação de serviços, nos locais onde funcionem serviços da administração pública.

²⁷ Artigu 25.º husi Dekretu Governu Nú. 19/2021 28 Jullu, kona-ba devér jerál kooperasaun.

²⁸ Munisípiu Dili, Manufahi, Ermera, Bobonaro, Baucau, Manatuto, Lautem, Ainaro no RAEOA

PDHJ mós nota katak maioria iha fatin públiku comunidade einjerál seidak iha konxiénsia hodi kumpre totál regra sira.

G. Devér Espesial Kooperasaun ba Responsavel Rejionál, Munisipál no Lideransa Komunitária sira nian²⁹

Durante implementasaun EE-16 PDHJ mós halo monitorizasaun relasiona ho devér kooperasaun ba responsavel rejionais no lideransa komunitáriu sira hodi observa direta kona-ba kumprimentu hodi hala'o dever kooperasaun tuir dekretu governu hodi disemina regra EE no SS prinsipalmente iha Munisípiu Ermera no Dili hodi prevene transmisasaun moras COVID-19 iha teritoriu Timor Laran tomak.

Iha implementasaun EE-16 PDHJ haree katak diseminasaun ba regra EE no SS ne'ebé Governu aplika, iha seriedade husi ajente prinsipál sira hanesan lideransa komunitarias, Munisipal no responsavel rejionais sira oinsa atu disemina informaseons sira ne'ebé pertinente relasiona ho prevensaun COVID-19 maibe persija mós konsistensia politika husi Governu relasiona ho regra sira ne'ebé aplikavel iha EE no SS hodi labele hamosu polimika ida ne'ebé bele hamenus konxiénsia comunidade einjerál relasiona ho kumprimentu ba regra no moras COVID-19 ne'ebé globalmente hamate ema barak ona espesifikamente iha Timor-Leste.

²⁹ Artigu 26.º husi Dekretu Governu Nú. 19/2021 28 Jullu, kona-ba devér espesial ba kooperasaun husi responsaveis rejionais, munisipais no lideransas komunitárias.


PARTE III – ATIVIDADE PDHJ

Bazeia ba nia knaar no kompeténsia PDHJ nian ne'ebé hatuur iha Konstituisaun RDTL no Estatutu PDHJ, iha implementasaun EE-16 ne'e kontinua hala'o atividades hanesan simu kesar, halo monitorizasaun no rekomendasaun.

A. Tratamentu Kesar

Iha Implementasaun EE-16 PDHJ kontinua nafatin simu kesar husi comunidade kona-ba violasaun direitus umanus no governasaun di'ak ne'ebé akontese durante aplikasaun medidas regras EE-16. Dadus detalladu hatudu iha gráfiku tuir mai ne'e:

Keixa 01 Agostu to'o 30 Agostu 2021



Durante implementasaun EE-16 PDHJ rejista kazu hamutuk sanulu (10) kompostu husi VDH hamutuk lima (5) no VBG hamutuk hitu (5). Husi total keixa hirak ne'e hato'o husi mane hamutuk hitu (7) feto hamutuk rua (2) no anonima ida (1). Para aleinde ne'e hato'o keixa diretamente ka nain rasik hamutuk neen (6) liu husi karta haat (4) liu husi telefone, Email no WA laiha. Nomós PDHJ simu keixa iha Dili/Nasional hamutuk lima (5), DT-Maliana tolu (3), DT-Oe-Cusse rua (2), DT-Baucau no DT-Same laiha. Detallu hanesan iha gráfiku mensiona.

B. Monitorizasaun

Durante implementasaun EE-16 PDHJ halo observasaun ba asuntu sira ne'ebé maka regula iha Dekretu Governu 19/2021, 28 Jullu, relaciona ho Medida Ezekusaun ba Deklarasaun EE-16, espesifikamente iha artigu 13.º (*Regras de distanciamento social*), artigu 25.º (*Dever geral de cooperação*) no mós artigu 26.º (*Dever especial de cooperação dos responsáveis regionais, municipais e lideranças comunitárias*) nomos regra SS refere ba Dili no Ermera³⁰ halo monitorizasaun mós ba kazu violasaun Direitus Umanus no violasaun Governasaun Di'ak.


³⁰ Hare iha tabela rezolusaun governu kona-ba serka sanitária, Paj. 2.

C. Intervensaun urjente liu husi rekomendasaun espesífika ba entidade sira

Hahú kedas husi EE-1 to'o mai EE-16, PDHJ kontinua nafatin halo rekomendasaun, tratamentu ba kesar no uza nia podér hodi halo mós intervensaun urjente ba entidades públikas sira hodi husu atuasaun ne'ebé respeita ba prinsípiu direitos umanus no governasaun di'ak. Períodu aplikasaun EE-16 halo mós intervensaun liuhusi ható'o relatóriu no mós enkamiña keixa ba autoridades relevante sira. Intervensaun hirak ne'e maka PDHJ halo durante EE-16.

Dili, 10 Setembru 2021


Jesuina Maria Ferreira Gomes, MPA
Provedora



PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLIKA

TIPI REKOMENDASAUN		REKOMENDASAUN
Prevensaun – Distansiamentu sosiál MTC MS MI	Dezenvolve regulamentu ka Sistema kontrolu	PDHJ iha EE-16 kontinua rekomenda ba Governu hodi kontinua fó atensaun másimu atu determina instrusaun klaru ba entidades públicas sira hodi kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, no mós kontinua suporta facilidades no ekipamentus nesesáriu ba edifisiu ne'ebé fó atendimentu públiku hodi asegu implementasaun regra prevensaun COVID-19.
	MAE Lideransa komunitáriu	Iha EE-16 PDHJ kontinua rekomenda nafatin ba Governu partikularmente MAE hodi fó nafatin orientaun klaru ba lider komunitáriu sira hodi kontinua nafatin disemina informasaun ba medidas preventivas Covid-19 ba comunidade. Desiminaun persuasive ba comunidade kona-ba protokolu ne'ebé hala'o iha sentru saúde, ospital, kuarantena no mós izolamentu no mós protokolu prosesu funeral ema ne'ebé mate ho no tanba COVID-19, hodi hasae comunidade nia konhesimentu nune'e bele hametin comunidade nia fiar hodi bele kontribui ba programa hakotu korenti COVID-19 iha Timor-Leste. Konsistensia PDHJ iha EE-16 hodi rekomenda ba MAE servisu hamutuk ho autoridade lokal hanesan xefe suku, xefe aldeia atu halo dadus ne'ebé própriu no loloos kona-ba comunidade/trabaladór lojas konstruksaun/mobiliária sira ne'ebé maka nia rendimentu hetan diariamente, hodi nune'e bele hatán ba comunidade refere nia nesesidade báziku bainhira suspende atividades hirak ne'e iha implementasaun EE tuir mai. EE-16 PDHJ firme hodi rekomenda ba Governu espesifikamente ministériu relevante sira hodi kria mekanizmu ida ne'ebé bele garante kapasidade hodi kontrola propagaun moras COVID-19 iha Timor-Leste ne'ebé iha transmisaun lokal, no mós kontinua reforsa instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, merkadu, edifisiu públiku, no fornese ekipamentu no facilidades apoiu iha sentru saúde sira ne'ebé servisu iha liña fronteira, inklui fornese máscara no fasilita bee ba tanki sira ne'ebé instala ona iha EE- 1 to'o EE-16. Haree ba número kazu ne'ebé kontinua aumenta nune'e nafatin rekomenda ba Governu atu aumenta fatin izolamentu atu bele akomoda pasiente sira.
	Dezenvolve regulamentu ka sistema kontrolu no fornese ekipamentus no facilidades	EE-16 PDHJ firme hodi rekomenda ba Governu espesifikamente ministériu relevante sira hodi kria mekanizmu ida ne'ebé bele garante kapasidade hodi kontrola propagaun moras COVID-19 iha Timor-Leste ne'ebé iha transmisaun lokal, no mós kontinua reforsa instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, merkadu, edifisiu públiku, no fornese ekipamentu no facilidades apoiu iha sentru saúde sira ne'ebé servisu iha liña fronteira, inklui fornese máscara no fasilita bee ba tanki sira ne'ebé instala ona iha EE- 1 to'o EE-16. Haree ba número kazu ne'ebé kontinua aumenta nune'e nafatin rekomenda ba Governu atu aumenta fatin izolamentu atu bele akomoda pasiente sira.
Entidade fiscalizadór (MEJD)	Kumprimentu regra EE no	EE-16 PDHJ nafatin rekomenda ba Governu liuliu ba Ministériu sira ne'ebé iha serbisu kona-ba atendimentu públiku nian (hanesan Ministériu Solidariedade Sosial no Inklusaun, Ministériu Saúde, Ministériu Obras Públicas no Ministériu Edukasaun,

MSSI, MOP ...)	instalasaun facilidades	Juventude e Desportu, nst) atu kontinua fõ instrusaun espesifika ba entidade pública sira hodi estabelese instalasaun tanke no bee disponivel iha fatin públiku sira, forneseimentu máskara no indika pesoál movel hodi haforsa sistema kontrolu iha fatin instalasaun sira.
MS	Garante asesu ba rekursu ka	EE-16 PDHJ kontinua rekomenda ba Governu hodi fornese ekipamentus ka facilidades
MAE	facilidade no mós	ba protesaun hanesan máskara, <i>handsanitizer/alcol</i> ba sidadaun sira liuliu sira ne'ebé
MSSI	kumprimentu ba regra	kbi'it la'ek no estudante sira no mós firme nafatin hodi rekomenda ba autoridade pública
	medidas preventivas COVID-19	sira hodi kontinua halo kontrolu no mantensaan ba iha facilidades ne'ebé instala ona tuir padraun hosi organizasaun saúde mundial, no mós kumpre hodi mantein distansiamentu sosial no evita halibur malu iha grupu.
SECOMS	Asesu ba Informasaun	EE-16 PDHJ mós rekomenda ba MSSI atu kria kondisaun hanesan prepara dadus ne'ebé apropriadu liuhusi via online, halo kontrolu ba autoridade seguransa iha prosesu atendimentu, fõ quota numeru loran ida atende tuir quota, nune'e mós molok hahu fõ avizu nafatin informasaun prevensaun COVID-19 hodi ne'ebé bele facilita atendimentu ba benefisiariu evita aglomersaan iha fatin públiku no kumpre regras EE liuliu regras prevensaun ba COVID-19.
MEJD		
MS		
PA-RAEOA		
MS, CIGC, SECOMS,	Respeita direitu privasidade	EE-16 PDHJ kontinua nafatin rekomenda ba Governu atu intensifika informasaun iha nível comunidade no uza métodu ne'ebé bele iha impaktu pozitivu muda comunidade nia hahalok atu bele prevene hada'et moras COVID-19 ho susesu rekomenda mós ba Presidente Autoridade RAEOA atu iha kompromisu hodi fõ instrusaun ba lider komunitáriu sira hodi kontinua disemina regras Estado Emerjénsia relasiona ho medidas preventivas COVID-19 ba comunidade RAEOA.
MAPCOMS	Responsabilizasaun	PDHJ rekomenda ba Governu atu garante katak informasaun kona-ba sidadaun nia identidade iha konfinamentu obrigatóriu bele fõ sai de'it bainhira iha autorizasaun ka konsentimentu hosi sidadaun refere. Iha EE-16 PDHJ nafatin kontinua rekomenda ba Governu partikularmente ba (<i>Ministério Dos Assuntos Parlamentares E Comunicação Social</i>) hodi kontinua promove koñesimentu hosi responsavel média ba fatin kuarentena sira kona-ba prinsípiu autorizasaun ka konsentimentu hosi ema privadu nian atu hetan filmajen no fõ sai informasaun kona-ba ninia situasaun saúde nian sei depende ba autorizasaun ida-idak nian. PDHJ kontinua sujere mós ba MAPCOMS atu kria meius ida atu hamenus informasaun falsu ne'ebé espalla buras iha rai laran kona-ba COVID-19 iha Timor-Leste no mós relasiona ho vasina.
Dircitu ba Asisténsia Médika iha Ámbitu Jerál		
PA-RAEOA	Garante asesu ba servisu públiku	Períodu EE-16 PDHJ nafatin rekomenda ba Governu, liu-liu autoridade RAEOA, tenke garante funsionamentu ba facilidade saúde iha pontu entrada sira hanesan portu Kitahara Mahata, fronteira Sakato, no Oesilo, no populasaaun RAEOA einjerál. EE-16 PDHJ rekomenda nafatin ba Governu hodi kontinua hadi'ak liu tan servisu

MS no CGC	Haforsa kapasidade	hanesan facilidade kuarentena hodi garante tratamentu dignu, kondisaun di'ak no promove preparaun hosi autoridade saúde no mós iha orientasaun klaru kona-ba disponibilidade ai-moruk, tratamentu no ai-han ne'ebé bele garante sidadaun nia saúde durante tempu iha kuarentena. Nun'e mós PDHJ rekomena nafatin iha EE-14 atu Governu planeia hodi sosa materiais prevensaun hodi distribui ba facilidades saúde iha territóriu laran inklui eskola sira nível primária to'o superior. PDHJ rekomena atu halo rekrutamentu ba ofisial saude hodi bele responde atendumentu ba paciente sira liuliu ba paciente sira ho moras COVID-19 iha sentru saude hotu-hotu iha Timor laran.
Direitu ba Ai-han, Moris Adekuaadu no Direitu Traballu		
MSSI	Implementasaun efetivu ba atividade/planu	EE-16 PDHJ kontinua rekomena nafatin ba Governu partikularmente ba MSSI hodi garante ajuda umanitária, hanesan ai-han báziku ba ema vulnerável sira.
Mi PNTL	Haforsa kapasidade no kuantidade	PDHJ reafirma iha EE-16 hodi rekomena tan ba Komandu Jerál PNTL atu kontinua promove koñesimentu PNTL ba nesesidade hodi mantein no hametin aplikasaun prinsipiu polisiamentu komunitáriu, liuhusi kria komunikasaun di'ak ho komunidadade no atensaun espesial ba membru komunidadade sira ne'ebé vulnerável liu. PDHJ mós iha EE-16 kontinua rekomena nafatin ba Governu espesifikamente Ministeriu Interior atu iha sesaun treinamentu ba ofisiais polisia kona-ba kumprimentu ba leis no kontinua fó instrusaun klaru ba subordinadu bainhira kumpre misaun servisu iha terrenu. PDHJ mós komprometidu iha EE-16 hodi rekomena ba (MI) espesialmente PNTL hodi bele aumenta personil UPF iha fronteira hodi garante katak laiha movimentu ilegál. PDHJ mós rekomena nafatin iha EE-16 ba Ministeriu Saúde hodi kontinua desimina medidas preventivas COVID-19 hodi hasae konxiénsia komunidadade ho servisu hamutuk MI partikularmente ba PNTL hodi kontinua halo kontrolu ba aplikasaun medidas preventivas COVID-19 ho profisionalidade la ho aktu violasaun direitus umanus.
Asesu ba Edukasaun		
MEJD	Dezenvolve regulamentu ka sistema	Iha EE-16 PDHJ komprometidu hodi rekomena ba Governu liuhosi MEJD hodi esforsu atu promove eskola sira-nia kapasidade no mantein dxiplina hosi estudante sira bele kumpre regra medidas preventivas ba COVID-19. Para aleinde ne'e, rekomena nafatin mós ba MEJD hodi garante katak iha orsamentu disponível ba iha setor edukasaun hodi sosa materiais prevensaun COVID-19 no fornese facilidades ba iha kada eskola tantu nível primária to'o nível superior. Iha sorin seluk, PDHJ kontinua rekomena nafatin ba Ministeriu Edukasaun Juventude Desportu atu mantein oras hanorin (online/prezensiál) ba estudante sira iha âmbito pandemia COVID-19.
		PDHJ rekomena atu bele estabelelese prazu ba profesores no alunos hodi fila aul.

prezensiál ne'ebé realistiku hodi fó oportunidade ba ema hotu-hotu ne'ebé hakarak atu hetan vasina doze daruak. Wainhira liu ona prazu refere mak bele loka aula prezensiá normál no tuir oráriu normál.

Atendimento Público

MS

Garante asesu ba rekursus materiais

Iha implementasaun EE-16 PDHJ kontinua rekomena ba MS atu kontinua nafatin fó apoiu materiais prevensaun COVID-19 ba sentru saúde, postu saúde no ospital referál sira iha munisípiu hotu hanesan máskara, hand sanitaizer no termu scanner.

Desiminaasaun Informasaun

PDHJ rekomena ba Governu atu kria kondisoens hodi prepara ekipamentus ba primeiru sokoru nesesiáriu hodi fó apoiu lalais ba populaasaun sira ne'ebé hetan impaktu negatibu makaas ba reasaun husi vasina atu garante intervensaun ida lalais husi ekipa ne'ebé realiza vasinaasaun iha fatin vasina iha territóriu Timor-Leste.

PDHJ rekomena mós ba MS ho SIJK atu halo desiminaasaun informasaun ne'ebé kona-ba protokolu atendimentu ba pasiente iha sentru saúde no hospital no mós espikasaun klean kona-ba pasiente ne'ebé mate tanba no ho COVID-19 no mós hadi'ak prosesu funeral ba ema ne'ebé mate tanba COVID-19 ho dignu tuir protokolo OMS maibe fó importansia ba kultura.

PDHJ mós nafatin rekomena ba SIJK liliu pilar relevante atu konsidera rezultadu test swab sai hanesan Guia da Marcha bainhira halo movimentu sai ba munisípiu seluk hodi bele evita konsentrasaun ka aglomerasaun iha CCD hodi hetan guia da marcha.

Aleinde ne'e, PDHJ mós kompremitidu hodi kontinua rekomena MS atu hare fila fali aplikasaun protokolu iha sentru saúde no ospital bainhira halo atendimentu ba pasiente ho kondisaun grave ne'ebé presiza atendimentu emergensia ho rapida.

SAS

Garante asesu ba bee-moos

Iha EE-16 PDHJ rekomena nafatin ba Governu atu dezenvolve estratéjia ida ne'ebé bele halais asesu ba bee moos ba ema hotu-hotu no garante katak comunidade tomak sei iha asesu ba bee moos atu hatan ba nesidade uma lahan no ijene.

Akresenta mós iha EE-16 ba Governu espesifikamente SAS atu halo planu no prevee orsamentu hodi instala bee moos ba eskola sira, edifisiu públiku iha territóriu lahan atu kontribui ba ema moris di'ak no ijene no indika responsavel espesifiku hodi halo kontrolu ba instalasaun sira ne'ebé estabesidu.

PARTE V - TABELA II. FATIN MONITORÍZASAUN

Nu	Comercio	Servicios publicos	Funeral	Evento Desporto	Mercados	Vendedores Ambulantes	Trasporte publico	Culturais	Religioso	Via Publica
1	Loja Hadomi	Escola CAFÉ Dili		Atividade Desportu iha Kampu Mulia / Baucau	Merkado Mini, Kampung Baru		Microlete 02, 01, 05,06, 010, 013			Estrada Becora
2	Pertamina Graca Silva Maliana	Eskola Amigo de Jesus		Kampu Futebol Maliana	Merkado Taibesi					Estrada Bidau
3	Loja Seara Maliana	DNTT Hera Akanunu			Merkado Manleu					Estrada Taibesi
4		Eskola Bazika Sao Carlos Fatumeta/Manleu			Merkado Villa Nova Baucau					Estrada Comoro
5		EBF Aidak Bihare			Merkado Lospalos Villa					Estrada Villa Verde
6		Eskola Sao Inacio Loyola			Merkadu Maliana					Estrada Balide
7		EBF Vila-Verde			Merkado Balibo					Estrada Fatumeta
8		EBC Metinaro								Ponto entrada Tasi Tolu
9		EBC Hera								Ponto entrada Kasafar
10		EBF 1 & 2 Ciclo 12 de outubro Comoro								Estrada Seical/Baucau
11		EBF Camea								Estrada Home, Lospalos
12		EBF 1 & 2 Ciclo Nu. 5 Comoro								
13		Escola Shallom								
14		ETI Fatumeta								
15		EBF Paiol Lahane								

16	Sentru Saude Maliana
17	Sentru Saude Ainaro Villa
18	Sentru Saude M. Manufahi
19	Sentru Saude M. Aileu
20	Edifisiu Rejistu Sivil no Notariado M. Manatuto
21	Eskuada Polisia Postu Manatuto Villa
22	Edifisiu Komando PNTL Manatuto
23	Eskuada Polisia Postu Laleia
24	Sentru Saude Laleia
25	Sede Suku Haturalan
26	Servisu Saude M. Manatuto
27	Sede Suku Manatuto Villa
28	Sede Suku Ailili
29	Sede Suku Aietas
30	Sede Suku Ma'abat
31	Sede Suku Sau
32	Sede Suku Leo-Hat / Soibada
33	Sede Suku Manlala/Soibada
34	Eskuada Polisia Postu Soibada
35	Edifisiu Postu Administrativu Soibada
36	Sede Suku Fatulia Venilale
37	Eskuada Polisia Postu Venilale
38	Sentru Saude Venilale
39	Sentru Saude Tirlolo
40	Edifisiu Postu Administrativu Baguia
41	Sentru Saude Baguia
42	Eskuada Polisia Postu

Baguia	
43	EBC 01 Tirilolo Baucau
44	Sede Suku Caibada Waimua Baucau
45	EBF Caibada Waimaa Baucau
46	Eskuada Polisia Postu Lautem
47	Edifisiu Postu Administrativu Lautem
48	Edifisiu Administrativu M. Lautem
49	Edifisiu SERVE IP. Sukursal Lospalos Villa
50	Edifisiu Direaun Servisu Transporte Terrestre Lospalos Villa
51	Edifisiu Hospital Lospalos
52	Edifisiu Edukasaun M. Lautem
53	EBF Suku Home Lospalos
54	Eskuada Polisia Postu Lospalos Villa
55	Edifisiu Komando PNTL M. Lautem
56	Edifisiu Konservatoriu Rejistu Sivil no Notariadu Lospalos
57	EBF 2. Cielo Mehara Tutuala Lautem
58	Sede Suku Mehara M. Lautem
59	Eskuada Polisia Postu Tutuala
60	Edifisiu Postu Administrativu Tutuala
61	Sede Suku COM Lautem
62	Edifisiu Postu Administrativu Quelicai
63	Sede Suku Laisorulai de

[illegible]

Evita Halbur Malu iha Grupu			
	Evita	La Evita	Total
Comercio	0	4	4
Servisu Publiku	54	21	75
Eventu Desportu	0	2	2
Mercados	1	6	7
Transporte Publiku	0	1	1
Via Publicas	3	8	11
Total	58	42	100

Mantein Distansiametu Sosial			
	Mantein	La Mantein	Total
Comercio	0	4	4
Servisu Publiku	32	43	75
Eventu Desportu	0	2	2
Mercados	0	7	7
Transporte Publiku	0	1	1
Via Publicas	3	8	11
Total	35	65	100

Uza Maskara			
	Uza	La Uza	Total
Comercio	2	2	4
Servisu Publiku	46	29	75
Eventu Desportu	1	1	2
Mercados	2	5	7
Transporte Publiku	1	0	1
Via Publicas	4	7	11
Total	56	44	100

Ijen ka Fase Liman			
	Fase Liman	La Fase Liman	Total
Comercio	2	2	4
Servisu Publiku	63	12	75
Eventu Desportu	0	2	2
Mercados	3	4	7

Total	Transporte Publico	0	1	1
	Via Publicas	2	9	11
		70	30	100